

Na osnovu člana 2. stav (3) Odluke o utvrđivanju uslova, kriterija i postupka za obavljanje volonterskog staža branilaca i članova njihovih porodica, ("Službene novine Tuzlanskog kantona", broj: 5/19), Sporazuma o realizaciji IX Programa sufinansiranja obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica, broj: 15/1-30-016111-20 od 14.08.2020.godine i broj: 01-45-575/20 od 11.08.2020. godine, koji su zaključili Ministarstvo za boračka pitanja Tuzlanskog kantona i JU Služba za zapošljavanje Tuzlanskog kantona objavljuje,

JAVNI POZIV

za učešće u IX Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica

1. Pravo učešća

Pravo učešća u IX Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica (u daljem tekstu Program) imaju poslodavci sa područja Tuzlanskog kantona.

2. Poticajna sredstva

Finansijska sredstva za podršku sufinansiranja obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica, obezbjeđena su u Budžetu Tuzlanskog kantona, u iznosu od 550.000,00 KM.

Ova sredstva se usmjeravaju za sufinansiranje poslodavaca, koji će zaključiti ugovore o obavljanju stručnog osposobljavanja bez zasnivanja radnog odnosa / volonterskog staža sa osobama VSS, koje se nalaze na Konačnoj listi kandidata Ministarstva za boračka pitanja Tuzlanskog kantona (u daljem tekstu: Ministarstvo), broj: : 15/1-37-015288-kl-20 od 10.08.2020.godine, u trajanju do 12 mjeseci (na rok utvrđen u Konačnoj listi kandidata), radi stručnog osposobljavanja za samostalan rad, bez zasnivanja radnog odnosa, kako bi stekli radno iskustvo, potrebno za rad na određenim radnim mjestima ili za polaganje stručnog ispita.

Poslodavcu će se sufinansirati sredstva bruto iznos od **339,21 KM** mjesečno, po osobi.

3. Pregled zanimanja osoba sa konačne liste kandidata Ministarstva

LISTA ZANIMANJA VOLONTERA 2020

R.br.	Zanimanje	Broj kandidata
1	Bachelor ekonomije	14
2	Bachelor prava	13
3	Bachelor filozofije-sociologije	1
4	Bachelor logopedije i audiologije	1
5	Bachelor pedagogije-psihologije	2

6	<i>Bachelor socijalne pedagogije</i>	1
7	<i>Diplomirani socijalni radnik</i>	4
8	<i>Bachelor historije</i>	2
9	<i>Bachelor bosanskog jezika i književnosti</i>	1
10	<i>Bachelor predškolskog odgoja i obrazovanja</i>	1
11	<i>Bachelor primjenjene biologije</i>	2
12	<i>Bachelor primijenjene matematike</i>	1
13	<i>Bachelor primjenjene hemije</i>	1
14	<i>Bachelor razredne nastave</i>	1
15	<i>Bachelor turskog jezika i književnosti</i>	4
16	<i>Bachelor engleskog jezika i književnosti</i>	2
17	<i>Diplomirani profesor matematike i fizike</i>	1
18	<i>Bachelor žurnalistike</i>	5
19	<i>Bachelor-inženjer agronomije</i>	8
20	<i>Bachelor-inženjer elektrotehnike</i>	4
21	<i>Bachelor-inženjer građevinarstva</i>	3
22	<i>Bachelor-inženjer hemijske tehnologije</i>	9
23	<i>Bakalaureat/bachelor mašinstva</i>	2
24	<i>Bachelor-inženjer prehrambene tehnologije</i>	11
25	<i>Bachelor-inženjer rudarstva</i>	1
26	<i>Bachelor-inženjer rudarstva za bušotinsku eksploataciju</i>	3
27	<i>Bachelor-inženjer sigurnosti i pomoći</i>	5
28	<i>Bachelor specijalne edukacije i rehabilitacije</i>	1
29	<i>Bakalaureat međunarodnih odnosa i diplomatije</i>	2
30	<i>Bakalaureat/bachelor inženjer informatike</i>	1
31	<i>Bakalaureat/Bachelor inženjer saobraćaja i Telekomunikacije</i>	1
32	<i>Bakalaureat/Bachelor sigurnosnih i mirovnih studija</i>	1
33	<i>Bakalaureat-inženjer genetike i bioinženjeringa</i>	1
34	<i>Bakalaurela/Bachelor šumarstva</i>	2
35	<i>Diplomirani fizioterapeut</i>	3
36	<i>Diplomirani inženjer medicinsko-laboratorijske dijagnostike</i>	2
37	<i>Diplomirani medicinski tehničar/sestra</i>	2
38	<i>Prvostupnik (Bachelor) inženjer obnovljivih izvora energije</i>	1
39	<i>Prvostupnik (Bachelor) inženjer održavanja energetskih postrojenja</i>	1

4. Potrebna dokumentacija za učešće u Programu:

- zahtjev za sufinansiranje obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica, osoba VSS, koje se nalaze na konačnoj listi kandidata Ministarstva,
- obrazac «potrebe za osobama za obavljanje stručnog osposobljavanja bez zasnivanja radnog odnosa / volonterima», za koje se podnosi zahtjev (forma zahtjeva i obrasca je dostupna u nadležnim biroima za zapošljavanje i web stranici: Vlade TK: www.vladatk.ba, i Službe: www.szztk.ba),
- broj računa u poslovnoj banci na koji će se sredstva doznačiti,
- posljednja specifikacija o isplaćenim plaćama - osim za organe državne službe i javne ustanove.

Poslodavci koji nemaju zaposlenika prijavljenih na jedinstveni porezni sistem, te poslodavci koji svojom djelatnošću nisu u mogućnosti osigurati osobi sticanje radnog iskustva, potrebnog za rad na određenim radnim mjestima, njihove stručne spreme *ili za polaganje stručnog ispita, ne mogu učestvovati u ovom Programu.*

5. Prioritet kod odobravanja sredstava

Kod odobravanja sredstava, namijenjenih za sufinansiranje obavljanja stručnog osposobljavanja bez zasnivanja radnog odnosa / volonterskog staža, osobama iz ciljne grupe, ukoliko potražnja poslodavaca bude veća za određena zanimanja, nego što ima osoba na listi za tim zanimanjem, prioritet će imati poslodavci koje je i sam kandidat prethodno prihvatio.

6. Način isplate sredstava

Služba će poslodavcima isplatu sredstava vršiti, nakon zaključivanja ugovora i dostavljanja ostale dokumentacije (ugovor zaključen između poslodavca i osobe na stručnom osposobljavanju bez zasnivanja radnog odnosa / voloneta, dokaz da je osoba na stručnom osposobljavanju / volonterskom stažu osigurana za slučaj povrede na radu i profesionalne bolesti - obrazac JS 3120 i izjave osobe na stručnom osposobljavanju bez zasnivanja radnog odnosa / volontera da je upoznata sa uvjetima programa) sukcesivno, u mjesečnim ratama od 339,21 KM, po osobi, bruto, u trajanju do 12 mjeseci (na rok utvrđen u Ugovoru o sufinansiranju obavljanja stručnog osposobljavanja bez zasnivanja radnog odnosa / volonterskog staža), uz obavezu poslodavca da osobi na stručnom osposobljavanju bez zasnivanja radnog odnosa / volonteru isplati neto iznos, za svaki mjesec 250,00 KM, kao naknadu za ishranu i prevoz, a preostali iznos

od 89,21 KM se uplaćuje na ime plaćanja pripadajućih obaveza (doprinos za zdravstveno osiguranje 4%, porez na dohodak, doprinos za PIO 6%, poseban porez za zaštitu od posljedica elementarnih nepogoda 0,5%, posebna vodna naknada 0,5%, naknada po odluci PIO za slučaj prof.oboljenja).

Poslodavac je u obavezi pravdati dobijena sredstva za svaki mjesec.

7. Prava i obaveze

Prava i obaveze između Službe i poslodavca, regulisaće se međusobnim ugovorom, u skladu sa Programom i javnim pozivom.

8. Prijava na javni poziv

Prijave sa potrebnom dokumentacijom, dostavljaju se neposredno ili preporučeno poštom, sa naznakom „Prijava na javni poziv za učešće u IX Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica», birou za zapošljavanje prema sjedištu poslodavca ili Službi za zapošljavanje Tuzlanskog kantona, ul. Bosne Srebrene do broja 31., 75 000 Tuzla.

Javni poziv se objavljuje dana 28.08.2020.godine, na web stranici Vlade Tuzlanskog kantona, www.vladatk.kim.ba, na web stranici Službe, www.szztk.ba i oglasnim pločama biroa za zapošljavanje u svim grad / općina TK.

Rok za podnošenje prijava je 15 dana od dana objavljivanja javnog poziva.

Obrasci za apliciranje za učešće u IX Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica, dostupni su na web stranici Vlade Tuzlanskog kantona, www.vladatk.kim.ba i na web stranici Službe, www.szztk.ba., u nadležnim općinskim biroima za zapošljavanje i Službi

Prijave sa nekompletnom dokumentacijom, neće se uzeti u razmatranje.

**Ministarstvo za boračka pitanja
Tuzlanskog kantona**